

CAPVT DECIMVM.
IN QVO VNICO HVIVS TOTIVS LIBRI
SECVND A P A R S
COMPREHENDITVR.

*Tractans de Aliorum in hoc Cometa Observa-
tionibus & Sententiis, quatenus cum ipso Cælo ac
Rei Veritate congruant, vel ab his discrepent, ea-
rundemq; cum nostris inuentis collatione.*

N omnibus iam præmissis nouem Capitibus, qui-
bus priorem huius libri partem absoluimus, solum-
modò ea egimus, quæ ex proprijs nostris Observa-
tionibus in hoc Cometa, quò ad eius apparentias
Parallaxésque peruestigandas attinet, in medium
proponenda censuimus; restat, vt hoc decimo & ultimo Capite,
aliorū etiam animadueriones & placita, quatenus cum Cælo &
nostris inuentionibus consentiant, vel ab illis discrepent, vnà dis-
cutiamus, quò rei inquirendæ certitudo, eò manifestius probabi-
liusque fidem mereatur. Licet enim ea, quæ in antecedentibus à
nobis constituta, & è certis Observationibus Geometricè Arith-
meticèq; Demonstrata sunt, adeò rata & infallibilia existant, vt qui
contradicere audeat, nihil aliud agat, quam Artium harum & in-
uictæ, quæ in ijs permanet, Veritatis se rudem & ignarum palam
profiteatur; Attamen, quia non defuere, præsertim inter Germa-
nos, Viri excellenter erudi, & rerum Mathematicarum in primis
gnari, qui è suis quibusdam Observationibus, quas se etiam cœ-
litiis, in hoc Cometa, obtinuisse affirmarunt, Geometricè non
minùs quoque Demonstrare conaci sunt, hunc Cometam, in Ele-
mentari Mundi Regione, infra Lunam progenitum fuisse, adeò
vt Parallaxin in Circulo Altitudinis 5 proximè partium, ex illorū
placitis obtinuerit; idcirco nodum omnem non satis plenè adhuc
resoluisse videbor, nisi etiā ea, quæ ab alijs diuersimodè se habere

D D

prolata